

NOM

Cumün da Val Müstair

Il nom da nos cumün deriva vairamaing dal prüm documaint in scrit chi manzuna l'existenza d'üna clostra da muongs benedictins illa vicinanza dal lö da Tuer: „*Nomina fratrum de **monasterio** qui uocatur Tuberis*“ (noms dals muongs da la **clostra** nomnada Tuberis = Tuver = Tÿer = Taufers).

Dal pled monasterio (= clostra) s'ha sviluppà il pled Müstair, e quel es gnü surtut plan a plan eir pel cumün e per l'intera vallada. La clostra da San Jon es üna fundaziun da Carl il Grond, rai ed imperatur dals Francs.

Il Circul Val Müstair ha surtut avant ün pêr decennis il cheu da Carl il Grond sco simbol da sia vopna. Sün fuond blau as vezza – in culur d'or – il profil dal cheu dal fundatur da la clostra da San Jon. Sco model ha servi la statua da Carl il Grond chi's rechatta illa baselgia clostrala a Müstair.



Vopna dal Cumün da Val Müstair



Statua da Carl il Grond illa baselgia clostrala

Cun la fusiun dals ses cumüns, als 1. da schner 2009, esa gnü decis da surtour la vopna dal circul eir pel cumün nouv. Las culuors da la vopna sun blau e gelg.

Claudio Gustin, archivar